

APRILIS

Die 23 Aprilis

S. Georgii, martyris

Memoria

Omnia sicut in Missali Romano : De communi martyrum (pro uno martyre tempore paschali)

Collecta propria : cf Miss. Rom. (p. 542)

Die 24 Aprilis

Ss. Mariæ Cleophæ aliarumque sanctarum Christi discipularum

Memoria

Ant. ad introitum

Mt. 28, 10

Ite, nuntiâte frâtribus meis, ut eant in Galilaëam : ibi me vidébunt (T.P. Allelúia)

Collecta

Deus, qui beátæ Mariæ Cléophæ
 aliisque sanctis muliéribus dedísti,
 ut, tuum secútæ Fílium, ei sédulo ministrárent,
 fac et nos, quaésumus,
 Christo in frâtribus fidéliter deservíre.
 Qui tecum vivit.

LECTIO PRIOR (propr.)

« *Erant in oratione cum Muliéribus* »

Léctio Actuum Apostolorum

1, 12-14

Postquam assúptus est Iesus in cælum, revérsi sunt

Apóstoli in Ierúsalem a monte qui vocátur Olivéti, qui est iuxta Ierúsalem sábbati habens iter.

Et cum introissent, in cenáculum ascendérunt ubi manébant, et Petrus et Ioánnes et Iacóbus et Andréas, Philíppus et Thomas, Bartholomæus et Matthæus, Iacóbus Alphæi et Simon Zelótes et Iudas Iacóbi. Hi omnes erant perseverántes unánimiter in oratióne cum muliéribus et Mariá Matre Iesu et frâtribus eius.

Verbum Dómini.

PSALMUS RESPONSORIUS

Ps 22.1-3.4.5.6. (R.Ps 15,2 a)

R̄. Tu es, Dómine, pars hereditátis meæ (*vel* Allelúia)

- 1 Dóminus pascit me, et nihil mihi déerit :
 in páscuis viréntibus me collocávit :
 super aquas quiétis edúxit me,
 ánimam meam refécit.
 Dedúxit me super sémitas iustítiæ propter nomen suum. R̄.
- 2 Nam et si ambulávero in valle umbræ mortis,
 non timébo mala, quóniam tu mecum es.
 Virga tua et báculo tuus
 ipsa me consoláta sunt. R̄.
- 3 Parásti in conspéctu meo mensam
 advérsus eos qui tríbulant me;
 impinguásti in óleo caput meum,
 et calix meus redúndat. R̄.
- 4 Etenim benígnitas et misericórdia subsequéntur me
 ómnibus diébus vitæ meæ,
 et inhabitábo in domo Dómini
 in longitúdinem diérum. R̄.

ALLELUIA

cf Mt 28,2 et 6

R̄. Allelúia V̄. Angelus Dómini descéndit de cælo, et dixit muliéribus : Quem quaéritis, surréxit sicut dixit.
R̄. Allelúia.

EVANGELIUM (propr.)

« Exierunt cito de monumento cum timore
et gaudio nuntiare discipulis eius. »

✠ Lécctio sancti Evangélii secúndum Matthaéum 28. 1-10

Sero post sábbatum, cum illucésceret in primam sábbati, venit María Magdaléne et áltera María vidére sepúlcrum. Et ecce terræ motus factus est magnus : ángelus enim Dómini descéndit de cælo et accédens revólvit lápidem et sedébat super eum. Erat autem aspéctus eius sicut fulgur et vestiméntum eius cándidum sicut nix. Præ timore autem eius extérriti sunt custódes et facti sunt velut mórtui.

Respóndens autem ángelus dixit muliéribus : « Nolíte timére vos, scio enim quod Iesum qui crucífixus est quaéritis. Non est hic : surréxit enim sicut dixit. Veníte, vidéte locum ubi pósitus erat. Et cito eúntes dicite discipulis eius : Surréxit a mórtuis, et ecce præcédit vos in Galilaéam, ibi eum vidébitis. Ecce dixi vobis ».

Et exeúntes cito de monuménto cum timóre et magno gáudio cucurrerunt nuntiáre discipulis eius.

Et ecce Iesus occúrrit illis dicens : « Avéte ». Illæ autem accessérunt et tenuérunt pedes eius et adoravérunt eum. Tunc ait illis Iesus : « Nolíte timére; ite, nuntiáte frátribus meis ut eant in Galilaéam et ibi me vidébunt ».

Verbum Dómini.

Super oblata

Deus, qui sanctis dedisti muliéribus
Cruci Unigéniti tui fidéliter adstáre,
fac, quæsumus, per huius virtútem mystérii,
ut, passiónibus Christi communicántes,
consórtes et glóriæ fieri valeámus.
Qui tecum vivit et regnat in sæcula sæculórum.

Ant. ad communionem

Act 1, 14

Hi omnes erant perseverántes unánimiter in oratióne cum muliéribus et María Matre Iesu (T.P. Allelúia).

Post communionem

Cæléstis doni benedictióne percépta,
súplices, te, Deus Salvátor, deprecámur :
ut, qui Sanctis Muliéribus
in glória Resurrectiόνis tuæ apparuísti,
nos quoque fácias gáudiis resurrectiόνis in cælis pérfrui.
Qui vivis.